



Sakspapir

Saksnr.	Utval	Møtedato
050/19	Formannskapet	29.08.2019
060/19	Kommunestyret	05.09.2019

Arkivsaknr.:	Arkiv	Sakshandsamar	Dato
19/712 - 19/5665	K1 - 233, K2 - V08, K2 - V10, K3 - &13	Magnhild Aspevik 47 48 65 50	14.08.2019

Høyring- Framlegg til ny forskrift om tilskot til tiltak i utvalgte kulturlandskap i jordbruket og verdsarvområdene Vegaøyane og Vestnorsk fjordlandskap

Saka gjeld:

Det ligg føre framlegg til ny forskrift om tilskot til tiltak i *Utvalde kulturlandskap i jordbruket (UKL) og verdsarvområda Vegaøyane og Vestnorsk fjordlandskap*. Hovudendringa i forskrifta er at kompetanse til å fatta vedtak er flytta frå fylkesmannen til kommunane.

Tilråding frå rådmannen:

Aurland kommune er positive til å ta over forvaltningsansvaret som er omtalt i ny forskrift, under føresetnad av at det vert tilført nok ressursar til å utføra arbeidsoppgåvene som her vert pålagt kommunen.

Aurland kommune peikar på at *Vestnorsk fjordlandskap* har lokale, regionale, nasjonale og internasjonale verdiar som skal forvaltast. Dette medfører at Norge som nasjon må bidra til at denne forvaltninga kan utførast på ein god, nødvendig og forsvarleg måte som i dag.

Aurland kommune meiner at Fylkesmannen framleis må ha ei sentral overordna rolle i forvaltning av forskrifta, også med tanke på felles og lik forvaltning av midlane til dei 6 verdsarvkommunane i Vestnorsk fjordlandskap.

Saksframlegg

Det ligg føre framlegg til ny forskrift om tilskot til tiltak i *Utvalde kulturlandskap i*

jordbruket (UKL) og verdsarvområda Vegaøyane og Vestnorsk fjordlandskap.
Høyringsfristen er sett til 16.september 2019.

Forskriftsendringa er eit ledd i Stortinget sitt vedtak om at ansvar for forvaltning av desse to ordningane skal overførast til kommunane frå 1.1.2020.

Det er ingen endring i formålet med tilskotsordninga eller endring i type tiltak som kan få støtte frå ordninga. Hovudendringa i forskrifta er at kompetanse til å fatta vedtak er flytta frå Fylkesmannen til kommunane. Det kjem ikkje fram i høyringsnotatet om det følger med økonomiske verkemiddel til kommunane for å utføre desse oppgåvene. Det står mellom anna i notatet at; *«kapasitet og kompetanse på kommunalt nivå er kritiske faktorar for å kunne forvalte tilskuddsordningar på en god måte»*

I høyringsnotatet kjem det fram fylgjande oppgåver som kan bli overført til kommunane:

- Lokal koordinator
- Initiere tiltak
- Ansvar for utarbeiding av planar
- Søknadsbehandling og utbetaling av tilskot
- Rettleiing av og kontakt med grunneigarar/driverarar o.a.
- Inngå avtaler
- Budsjett, rapportering og kontroll

For Aurland kommune medfører ei evt endring i forskrift tilført forvaltningsansvar for tilskot til jordbruket i Vestnorsk fjordlandskap - Nærøyfjordområde. Denne arbeidsoppgåva slik den vert utført i dag, har eit ressursbehov på kring 25% stilling.

Landbruket i verdsarvområda har ein stor verdi knytt til jordbrukslandskapet, og det har difor vore gjeve støtte til landbruket i desse områda sidan 2008.

Vurdering

Det ligg føre tiltaksplan for kulturlandskapet i verdsarvområda Vestnorsk fjordlandskap og Vegaøyane. Denne planen, og andre skjøtselsplanar, ligg til grunn for arbeid som forvaltninga har gjort for å oppretthalde og stimulere til aktivt landbruk i verdsarvområde. Utvikling og ivaretaking av jordbrukslandskapet er svært viktig for Aurland kommune, både for matproduksjon, og som berar av kulturhistoriske- og biologiske verdier. Desse verdiane betyr mykje for dei som bur og lever i landskapet, og for dei som kjem på besøk.

Felles landbrukskontor ÅLA sine erfaringar frå dagens oppfølging av arbeidet med tiltaksplan for kulturlandskapet og verdsarvbøndene i Nærøyfjordområdet, tilseier at ein vesentleg innsats frå det offentlege er viktig, **og kanskje avgjerande**, for å få god drift og utvikling på landbrukseigedomane i området. Pr i dag syner det gode resultat, med eit velstelt landskap og aktivt landbruk i Nærøyfjordområdet.

Rådmannen meiner at Aurland kommune ved Felles Landbrukskontor ÅLA, er budd til å ta over forvaltningsansvaret for tilskotsordninga, med tilstrekkeleg ressursar tilgjengeleg. Rådmannen meiner og at kommunen må få tilført midlar frå det offentlege for å utføra denne viktige arbeidsoppgåva. Her er det både **lokale, nasjonal og internasjonale verdjar** som skal forvaltast og utviklast vidare.

Rådmannen meiner og at Fylkesmannen framleis må ha ei sentral overordna rolle i forvaltning av ordninga, med t.d. rettleiing og kontakt med grunneigarar, drivarar og andre. Det er og viktig at nokon har ei samordningsrolle, for å sikre lik handsaming av ordninga i dei ulike kommunane. Denne rolla er det heilt naturleg at Fylkesmannen har.

Økonomiske konsekvensar

Dersom det ikkje vert løyvd nasjonale midlar til kommunane til å forvalte tilskotsordninga, må Aurland kommune sette av midlar i sitt driftsbudsjett tilsvarande ei 25% stilling.

29.08.2019 Formannskapet

Behandling i møtet:

Noralv Distad kom med framlegg om å stryke punkt 3 i rådmannen si tilråding.

Røysting:

Punkt 1: Samrøystes

Punkt 2: Samrøystes

Punkt 3: Strykingframlegget samrøystes

FS-050/19 Vedtak:

Aurland kommune er positive til å ta over forvaltningsansvaret som er omtalt i ny forskrift, under føresetnad av at det vert tilført nok ressursar til å utføra arbeidsoppgåvene som her vert pålagt kommunen.

Aurland kommune peikar på at *Vestnorsk fjordlandskap* har lokale, regionale, nasjonale og internasjonale verdjar som skal forvaltast. Dette medfører at Norge som nasjon må bidra til at denne forvaltninga kan utførast på ein god, nødvendig og forsvarleg måte som i dag.

Samrøystes

05.09.2019 Kommunestyret

Behandling i møtet:

Monica Gjesdal Larsen fremja rådmannens framlegg til punkt 3.

Røysting:

Det blei røysta punktvis:

pkt 1. samrøystes

pkt 2: samrøystes

pkt 3: 12 røyster mot, 5 røyster for

KS-060/19 Vedtak:

Aurland kommune er positive til å ta over forvaltningsansvaret som er omtalt i ny forskrift, under føresetnad av at det vert tilført nok ressursar til å utføra arbeidsoppgåvene som her vert pålagt kommunen.

Aurland kommune peikar på at *Vestnorsk fjordlandskap* har lokale, regionale,

nasjonale og internasjonale verdier som skal forvaltast. Dette medfører at Norge som nasjon må bidra til at denne forvaltninga kan utførast på ein god, nødvendig og forsvarleg måte som i dag.

Vedlegg:

Høyring - Forslag til ny forskrift om tilskot til tiltak i utvalgte kulturlandskap i jordbruket og verdensarvområdene Vegaøyen og Vestnorsk fjordlandskap

Høyringsnotat - Forslag til ny forskrift om tilskot til tiltak i utvalgte kulturlandskap i jordbruket og verdensarvområdene Vegaøyen og Vestnorsk fjordlandskap